



## Press Release

DIATE RELEASE: [24 October 2014]



### **Health Alliance International no Catalpa International Fo sai parseria ho Timor Telecom hodi apoiu ba projetu *mHealth* Liga Inan nian**

#### **Liga Inan: Hadi'a asesu ba kuidadu inan sira iha Timor-Leste**

Iha loron 24 fulan Outubru, Health Alliance International (HAI) no Catalpa International asina akordu ida ho Timor Telecom (TT), hodi fó apoiu ba projetu Liga Inan.

Liga Inan nu'udar programa Saúde/Health ne'ebé uza teknolojia móvel hodi liga inan isin-rua sira ba entidade sira ne'ebé halo servisu saúde iha Timor-Leste, ho forma ne'ebé aumenta probabilidade isin-rua no bebé moris ho saudável.

Projetu ne'e, harii husi USAID, lansa ofisialmente iha distritu Manufahi, iha fulan Marsu 2013, husi HAI no Catalpa International, iha parseria ho Ministériu Saúde. Aplikasaun móvel utiliza husi Liga Inan no dezenvolve husi Catalpa International, empreza ba dezenvolvimentu servisu ida no software ne'ebé fornese solusaun simples no inovadór iha rejiaun liu husi dezenvolvimentu. Servisu Liga Inan haruka SMS ho konteúdu relasionadu ho saúde, semana ida dala rua, ba inan isin-rua sira tau naran/inskrita iha programa no sei fasilita mós kontaktu entre inan isin-rua sira no inan sira ne'ebé foin partu ho sira ninia parteira liu husi kontaktu telefóniku segulár.

"Razaun ida tanba saida mak ami konklui katak inan-feton sira laiha partu ho parteira profesionál sira, tanba kontaktu entre sira na'in rua ne'ebé tempu badak tebes ne'ebé la permite hamosu sentimentu konfiansa." afirma Che Katz, Diretora HAI iha Timor-Leste. "Liu tan ida ne'e, iha informasaun barak tebes kona-ba oinsa iha inan- isin-rua saudável, ne'ebé fó sai ba futuru inan sira nian durante konsulta molok partu/moris."

Iha fulan Juñu 2014, Governu Australianu fó apoiu orsamentu ba projetu Liga Inan nian, ne'ebé permite tan ba distritu rua, Likisá no Aileu. To'ó loron ida ne'e, liu ona inan 2,310 mak tama iha programa ne'e. No ida ne'e faze kresimentu projetu nian ne'ebé Timor Telecom tama iha progama, fó apoiu ba telekomunikaun no fó tulun boot ida liu husi entrega ká haruka SMS sira no eskalabilidade projetu nian.

Programa mHealth Liga Inan nian mak jeneru dahuluk iha Timor Leste no iha objetivu prinsipál hadi'a kualidade partu nian. Rezultadu pilotu ne'ebé hala'o iha distritu Manufahi mak promisor/prometidu, ho amenta ne'ebé significativu iha númeru inan nian ba asesu ba kuidadu saúde molok moris/partu.

“Distánsia no falta informasaun mak razaun prinsipal ne'ebé kuidadu ba futuru inan sira laiha asesu ba kuidadu saúde. Parseria ne'e ajuda la'ós de'it hamenus distánsia, maibé mós permite Liga Inan hodi haruka tan informasaun ba inan sira”, Anders Hofstee hatete, Diretór Ezekutivu Catalpa International. “ami orgullu tebes ho servisu parteira ne'ebé uza servisu Liga Inan nian hodi liga ba comunidade sira. Liga Inan la'ós de'it servisu teknolojiku ida no mós oportunidade atu fó ba parteira instrumentu ne'ebé ajuda atu fó tan apoiu ba inan isin-rua sira.”

Wanhira Timor Telecom, nu'udar operadór telekomunikaun ne'ebé boot liu iha Timor Leste, ho tinan 12 iha nia historia, hatene ezisténsia programa Liga Inan nian, kontaktu ho HAI no Catalpa hodi explora ipóteze sira hodi apoiu projetu ne'e. TT entuziasmu tebes ho ninia apoiu ba Liga Inan no liu husi oportunidade ne'e bele ajuda hadi'a saúde no moris di'ak inan no bebé timoroan nian.

“Ami kontente tebes wanhira tama iha projetu importante ida ne'e no dimensaun/luan. TT apoiu dezde projetu sira ne'ebé responsabilidade sosiál no sempre iha kompromisu atu hadi'a moris di'ak ba sociedade timoroan. Projetu Liga Inan personifika orietasaun sira husi TT ho sentidu dezvoltamentu sustentável”, afirma Manuel Capitão Amaro, CEO Timor Telecom nian.

Patrosiniu husi Timor Telecom permite atu haruka SMS rihun ne'ebé gratuita ba inan sira hotu mak tama iha programa ne'e, ho konsellu atu oinsa iha isin-rua ne'ebé saudável. Relasiona ho ida ne'e mak iha parseria entre HAI, Catalpa, Timor Telecom no Ministériu Saúde no programa extrensaun foun ida ne'ebé apoiu husi Governu Australianu, sei permite katak Liga Inan to'ó ba iha família Timoroan sira.

Informasaun sira tan kona-ba Liga Inan iha situ [www.ligainan.org](http://www.ligainan.org).

**Contact:**

**Che Katz, [che.katz@healthallianceinternational.org](mailto:che.katz@healthallianceinternational.org)**

**Health Alliance International**

[www.healthallianceinternational.org](http://www.healthallianceinternational.org)

<https://www.facebook.com/pages/Health-Alliance-International>

**Box 226, Dili, Timor-Leste**

**Ph (670) 78266247**



**Australian Government**

---

**Department of Foreign Affairs and Trade**